



Na osnovu čl. 4. i 5. stav (1) tačka i) alineja 3) i 4) i člana 6. stav (3) Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11 i 37/13), Ministarstvo privrede Kantona Sarajevo objavljuje

JAVNI POZIV

za finansiranje/sufinansiranje projekata
za očuvanje i razvoj starih tradicionalnih zanata u Kantonu Sarajevo

I PREDMET POZIVA

Predmet Javnog poziva je prikupljanje zahtjeva neprofitnih organizacija i udruženja za dodjelu sredstava za finansiranje/sufinansiranje projekata za očuvanje i razvoj starih tradicionalnih zanata u Kantonu Sarajevo. Projekti će se finansirati/sufinansirati bespovratnim sredstvima iz Budžeta Kantona Sarajevo - Ministarstvo privrede, sa pozicije: podrška za očuvanje i razvoj tradicionalnih i starih zanata - obrta u Kantonu Sarajevo. Maksimalan iznos sredstava za ovu namjenu je 30.000,00 KM (slovima: tridesethiljada KM).

II PRAVO UČEŠĆA

Pravo podnošenja zahtjeva imaju neprofitne organizacije i udruženja (u daljem tekstu: Aplikanti) koji ispunjavaju opšte i posebne kriterije utvrđene Uredbom o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11 i 37/13).

III NAČIN PODNOŠENJA ZAHTJEVA

Aplikant prilikom podnošenja zahtjeva na Javni poziv obavezno dostavlja:

1. PRIJAVNI OBRAZAC (OBR.7.3-02-01/01), može se preuzeti na web stranici: <http://mp.ks.gov.ba/>. Aplikant obavezno popunjava sve rubrike Prijavnog obrasca i odgovara za vjerodostojnost svih navedenih podataka.

2. PROJEKAT sa sljedećim sadržajem:

- naziv i opis projekta,
- područje na kojem se izvodi projekat,
- jasan cilj projekta,
- vrste aktivnosti koje će se provesti za postizanje postavljenog cilja,
- očekivani rezultati,
- korisnici projekta,
- projekti edukacije obavezno moraju sadržavati specifikaciju predavača, prezentera, polaznika edukacije i institucija – ustanova,
- finansijska konstrukcija (uz naznaku vlastitog ulaganja) i
- rok realizacije projekta ili faze projekta.

3. DOKUMENTACIJU:

- rješenje o registraciji (izdato od nadležnog organa),
- uvjerenje o poreskoj registraciji - identifikacijski broj (ID broj),
- program rada za 2014. godinu sa obrazloženjem,
- finansijski plan za 2014. godinu,



- bilans stanja i bilans uspjeha za prethodnu godinu ovjeren od strane nadležnog organa,
- uvjerenje o izmirenim poreskim obavezama,
- ovjerena izjava da za projekat kojim apliciraju nisu već odobrena sredstva od strane drugih ministarstava Kantona Sarajevo,
- uvjerenje o izmirenim porezima i doprinosima za zaposlenike,
- dokument o organizovanosti i broju članova udruženja,
- dokument o rezultatima i uspjesima na kantonalnom, federalnom i državnom nivou,
- izjava da je dostavljen narativni i finansijski izvještaj o utrošku sredstava za odobreni program ili projekat u prethodnoj godini a za koji su odobrena budžetska sredstva,
- ukoliko se projekat implementira u saradnji sa obrazovnim ili drugim institucijama potrebno je dostaviti saglasnost odgovarajućeg organa/institucije i
- ugovor o otvorenom transakcijskom računu kod banke.

IV ROK ZA PODNOŠENJE ZAHTJEVA NA JAVNI POZIV

Rok za podnošenje zahtjeva na Javni poziv je 15 dana i počinje da teče narednog dana od dana objavljivanja Javnog poziva u dnevnom listu "Oslobođenje".

V MJESTO I NAČIN PODNOŠENJA ZAHTJEVA

Zahtjevi se podnose u zatvorenoj kovrti, direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvaraj" - finansiranje/sufinansiranje projekata za očuvanje i razvoj starih tradicionalnih zanata.

VI OCJENA I IZBOR PROJEKATA

Projekat treba da odražava jednu ili više navedenih odlika: razvoj i afirmacija starih tradicionalnih zanata, očuvanje obrtničke tradicije, kulturnog i historijskog nasljeđa tradicionalnih i starih obrtničkih djelatnosti, edukacije i stručno osposobljavanje u cilju jačanja veza između obrazovnog sistema i obavljanja starih tradicionalnih zanata. Osnovni kriteriji za izbor projekta su: broj korisnika projekta (izlagača, prezentera, polaznika edukacije), broj i uključenost u projekat obrazovnih i/ili drugih institucija, svrha, ciljevi i efekti projekta, rok realizacije projekta i finansiranje projekta iz drugih izvora u odnosu na ukupnu investiciju, izuzimajući vlastita sredstva i sredstva tražena od Ministarstva privrede. Komisija koju formira ministar Ministarstva privrede razmatra dostavljene projekte i dokumentaciju propisanu Javnim pozivom, vrši ocjenu projekata, te sačinjava Prijedlog odluke o izboru projekata i dodjeli sredstava. Odluku o izboru projekata i dodjeli sredstava donosi ministar Ministarstva privrede.

VII OSTALE ODREDBE

Nepotpuni i neblagovremeni zahtjevi neće biti predmet daljeg razmatranja.

Tražena dokumentacija dostavlja se u originalu ili ovjerenim fotokopijama ne starijim od tri mjeseca.

Sa odabranim korisnicima Ministarstvo privrede potpisuje pojedinačne ugovore, nakon čega se sredstva doznačavaju na transakcijske račune korisnika.

Korisnici sredstava dužni su za sve aktivnosti dostaviti izvještaj o namjenskom utrošku sredstava doznačenih iz budžeta u roku od 15 dana od realizacije projekta sa odgovarajućom dokumentacijom.

Javni poziv će biti objavljen i na web stranici Ministarstva privrede.

Ministarstvo privrede ne snosi nikakve troškove u postupku prikupljanja dokumentacije i podnošenja zahtjeva na Javni poziv.

Ministarstvo privrede zadržava pravo poništenja Javnog poziva.

